

■ Gasa inhalatzeagatik ospitaleratu zituzten 12 pertsonetatik 5ek ingresaturik jarraitzen dute

ERRENTERIAN bizi diren familia bereko 12 kidek ospitalera joan behar izan zuten igande gauean, gasa inhalatu zutela-eta toxikazio arazoak zituztelako. Horietatik bostek ospitalean jarraitzen dute. Osasun egoera larria ez badute ere, ziur egon artean ingresaturik egon beharko dute. Era berean, toxikazioa izan eta berehala joan ziren gas enpresako teknikoak gas ihesaren zergatia aztertzeke. Hala ere, konturatu ziren ez zela ihesik izan. Toxikazioa izan zen galdarak ez zuelako errektuntza egokirik. Donostiako Arantzazuko ospitalera eraman zituzten, eta handik Gipuzkoako zenbait ospitaletara eraman zituzten. Guztien osasun egoerak arazorik gabe egin du hobera. X

■ Delinkuentzia antolatuari buruzko mintegiak izango dira Arkauten

GAUR hasi eta azaroaren 16ra bitartean delinkuentzia antolatuari buruzko mintegiak izango dira Arkauten. Europako eremua kontuan harturik, gaur egun horrelako delituek duten izaera aztertuko dute han bilduko diren poliziek eta gaiaren gainean adituak diren profesionalak. EAEko Barne Sailak bidalitako ohar batean esaten denez, hainbat arlotan delinkuentzia antolatuak duen izaera aztertuko dute: hala, Orden Publikoan, sozioekonomikoan, Administrazioan, askatasun sexualaren aurkako delituetan, eta beste izaera batzuetako delitu motetan erreparatuko dute, arazo horiei irtenbidea emateko asmoz. Delinkuentzia antolatuan lan egiten duten profesionalak esperientziak elkar trukatzeko dituzte. Horrez gain, gaur egungo delinkuentziaren izaera aztertzeaz gain, aurre egiteko bideak ere aztertuko dituzte. X

■ Droga saltzaile talde bateko kideak atxilotu dituzte udaltzainek Bilbon

USTEZKO droga trafikatzailer talde bateko kideak atxilotu zituzten joan den ostegunean udaltzainek Bilbon. Atxiloteten ondorioz, kilo bat heroina eta kokaina harrapatu zuten. Ginea Bissauko herritarak dira taldeko kide guztiak. Dirudienaz, trafikatzailer txikiei saltzen zieten droga, eta batez ere Frantziatik etortzen ziren toxikomanoei, hemen droga lortzea Frantziako erostea baino lau aldiz merkeagoa baita. Frantziatik etortzen ziren erosleek askotan autoen truke lortzen zuten droga. Ondoren, auto horiek Portugalen saltzen zituzten. Negoziak Bilboko San Franzisko kalean egiten zituzten. Udaltzainek lehenengoz taldeko bi buruak atxilotu zituzten, eta une horretan droga saltzera zihoazen. J.D.Sk eta A.S.Bk 10 eta 15 gramo heroina dosi zituzten poltsikoetan, hurrenez hurren. Buruak atxilotu eta gero, etxebizitzetara joan ziren, eta han beste guztiak atxilotu zituzten. Alde egiten saiatu ziren, baina ez zuten lortu. Etxebizitza horietan topatu zuten heroina eta kokaina kiloak. Etxebizitzetan manipulatzeko zuten ondoren saltzen zuten droga. X

ESKELAK



**Julene
Berrojalbiz
Berrojalbiz**

ANDREA

(Jose Andres Andia Atxurraren alarguna)
Bilbon bizi zen 1998ko azaroaren 1ean, Elizakoak
eta Aita Santuaren Bedeinkapena hartu ondoren

— Goian bego —

Haren seme-alabek —Isabel, Ander eta Xabier, ezkon seme-alabek —Carlos Suarez, M^a Soledad Larrea eta Carmen Zelaia—, bilobek —Ander, Ertzen, Aritz, Eider eta Ione—, neba-arrebek —Concepcion andrea eta Vicente jauna—, ilobek, lehengusuek eta gainontzeko ahaideek

Haren arimaren alde otoi bat eskatzen dizuete, eta arren etor zaitezela GAUR, ASTEARTEA, hilak 3, arratsaldeko ZAZPI ETA ERDIETAN San Jose de la Montaña-Aita Agustindarren parroki elizan (San Jose enparantza. - Bilbo) egingo den hileta-mezara. Aldez aurretik, mila esker.

OHARRA: IRTEERAKO MEZA ASTELEHENEAN egingo da, hilak 9, aipatu parrokiari, arratsaldeko ZAZPI ETA ERDIETAN.

1998ko azaroak 3



**Julene
Berrojalbiz
Berrojalbiz**

(Egunkaria
Sortzeneko
kidea)

**Euskaltzale guztion
saminarekin
bat egiten dugu**

Egunkaria

1998ko azaroak 3

Mugaz gaineko proiektika jardunaldien zikloa abian da

Hiria eta proiektuak lehen atala iraganen da azaroaren 6an

Laugarren proiektika jardunaldiak iraganen dira aste buruan Baionan eta Donostian. Proiektikarako Elkarte Europarrak antolaturik, hiru urteko ziklo bat abiatuko dute gai federatzaile baten inguruan: Hiria eta proiektuak.



Jean-Mixel Larrasquet Baionako IUTko irakaslea.

BOB EDME

Lutxi Fourcade / Baiona

LAUGARREN proiektika jardunaldiak Baionan eta Donostian iraganen dira 1998ko azaroaren 5ean, 6an eta 7an. Proiektikarako Elkarte Europarrak bultzaturik, jardunaldiak sortu ziren duela hiru urte proiektika kontzeptua ikertzeko. Hain zuzen, proiektua hitza agertzen baitzen gizarteko arlo ugarietan (osasuna, arkitektura, lekuko garapena edo enpresa), gogoeta molde berria lantzeko beharra ikusi zuten hainbat ikerlarik. «Ekintza konplexu gehienak antolatzen dira proiektuak oinarritzat hartuz, eta aldaketa handiak eragingo baititu lan antolaketan, funtsezkotzat iruditu zitzaigun proiektu kontzeptua sakonki ikertzea», azpimarratu zuen Jean-Mixel Larrasquetek, IUTko erakaslea. Ondoren, bildu ziren Baionako IUTko irakasleak, Lyoneko unibertsitateko ikerlariak eta Eusko Ikas-

kuntzako kideak, eta europar elkarteak sortu zuten.

Laugarren jardunaldiek hiru egun iraunen dute eta ikerlariak aterako dute proiektika kontzeptua enpresa mundutik. Izan ere, *Hiria eta proiektuak* lelotzat hautatu du elkarteak batzorde zientifikoak, eta hiru urteko ziklo batean eramatea proposatzen du. «Helburua izanen da ikuspegi nagusi bat ematea mintegi bakoitzari, proiektikaren ideiak praktikarekin bekoz beko jartzeko», azaldu zuen Larrasquetek. Lehen atalean *Hiria* aztertuko badute ere, enpresa eta proiektika landuko dituzte ondoko hitzorduetan, 1999an eta 2000n.

Hiria, bizitza iturria • Hiria oinarritzat hartuz, hiru lan arlo nagusi aztertuko dira topaketetan. Lehendabizi, bildutako ikerlariak aztertuko dute *Hiria eta proiektuak* azaroaren 5ean, Baionako IUTko gelan. «Hiri guztien arteko

konpetentzia larria dugu, eta hiriek beren burua saltzen jalki behar dute», azaldu zuen Larrasquetek. Ondoren, lau adibide konkretu ikertuko dituzte: Dublin, Bordele, Bartzelona eta Baiona. «Mintegi horietan agertuko da hiria proiektu gisa tratatzen dela, nahiko ongi kasu batzuetan», gehitu zuen. Bigarren ezbaidan, berriz, aztertuko da nola hiri proiektuak ekar diezaioketen aterabidea auzogorren problematikari, batez ere Italiako adibideak hartuz.

Topaketen hirugarren ezbaidak iraganen dira Donostian azaroaren 6an. Antolaketa eta espazioa landuko dute, arkitekturen desafioa egin duten hirien esperientziak aipatuz. Lehen mintzaldien bilduma egingo da arratsaldean. Bihamar egon goizean, berriz, kongresua amaituko da Baionan, eta proiektikaren aplikazioak aztertuko dira besteak beste. X

Ergonomia eta informatika

ERGONO-IA kongresua iraganen da azaroaren 4an, 5ean eta 6an Miarritzen. Hiru egunez, mundu osoko ehun bat ergonoma eta informatikari elgarretaratuko dira eta teknika berrien aurkezpena egingen dute. Asmatutako azken tresnen erakusketa ere izanen da Hiriko Kasinoan.

Bakan elkartzen ziren profesionalak, eta horiek biltzeko Ergo-ia kongresua sortu zen duela hamar urte Miarritzen. «In-

formatika denen eskutik da, baina ez da traba bat izan behar, baizik eta laguntza bat», azpimarratu zuen Philippe Nouvellouk, Bidarteko ILS Berrikuntza Programaren Sistema elkarteko ergonoma. Izan ere, topaketen antolatzaileen aburuz, teknologia baino gehiago, gizona funtsezkoa zen edozein gogoetaldi bultzatzeko. Ondorioz, programak egiteko unea, aldarrikatzen zuten informati-

kariak gogoan izan behar zituztela gizonaren beharrak. «Ergonomiak lantzen dituzte laneko egiturak eta elkarlankidetzaren sortzea funtsezkoa zen», gaineratu zuen.

Ergo-ia seigarren kongresuak hiru egun iraunen du eta nazioarteko ikerlariak edo profesionalak aurkeztuko dituzte azken ikerketen emaitzak. «Kongresua sortu denetik, gauzak aintz aldatu dira eta zientziaren aurrerape-

nak zehazteko aukera izanen dugu», azpimarratu zuen Nouvellouk. Topaketak irekiak izanzen badira ere lantegi munduko arduradunak edo ikerlariak, kongresuaren antolatzaileek hainbat tresna berrien erakusketa egingen diote publiko zabalarari. Besteak beste, aurkeztuko dituzte Internet sistema berezia itsuentzat azaroaren 4an, edo mezu elektronikotako bide seinaleak azaroaren 5ean. X